

AC. 2709.

I. N. J.
Dissertatio Philosophica
De
Animae Immortali-

itate ex Lumine Naturæ de-
monstrabili,

Quam
Adspirante divina gratia

Consentiente Amplissimo Philosophorum
Ordine in Regia ad Eminentiam Academia

PRÆSIDE
VIRO CELEBERRIMO
MICHAELLE DAU,

Professore Ordinario Facul-
tatis Medicinae Joseph. c. e. h. t. Decano
Inicæ ventilationi
submittit

PETRUS KNOLL, Kil. Holsatus
& Respondens.

In Aula Majori AD XCVI.
d. 22. Februario.

DORPATI, excudit JOHANNES BRENDENKEN,
Acad. Typographus.


VIRO
Summe Reverendo, Amplissimo
& Excellentissimo
DOMINO
Johanni Fischero,
S: S: Theologiæ Doctori Celeberrimo
Pro-Cancellario Academiæ Dorpatensis
MAGNIFICO,

Superintendenti per Livoniam Generali
& Consistorii Ecclesiastici in Livonia
Præfidi Gravissimo.

Plurimum Reverendo & Amplissimo
DOMI

Laurentio

S: S: Theologiæ Licentia
Celeberrimo, Consistorii Ec-
& Pastori Nyggenſi



Maxime Reverendo, Amplissimo
& Celeberrimo
DOMINO

M. Olae Moberg,
S: S: Theologiæ Professori & hoc tem-
pore in Academia Dorpatensi
RECTORI MAGNIFICO
Dignissimo.

Nec non Consistorii Ecclesiastici Decano
& Templi Cathedralis Pastori Meritissimo

~~CELESTINE~~
Plurimum Reverendo & Amplissimo
DOMINO

Gabrieli Straage/

Orient: & Græcæ Linguæ Professori Dex-
terrimo, Consistorii Ecclesiastici & Pastori
Cavelectensi Meritissimo.

Academicam grāte
mente offert.
cum Admirator
vantisimus
Respondens.

Non evehendum mentis est lumen nimis
Nostræ, quod arduis parum nos adjuvat
In cogitationibus, caliginem
Minusq; dissipat, velit quam strenuus
Sapientia cultor reconditæ; leves
Ratiuncula quem non movent & fuitiles.
Nec elevandum, sed nimis præstantius
Quo non Adæ propagini donum datum.
Hoc est, quod abditæ opes mirabilis
Mundi recludit & Creatorem velut
Monstrat manu, quod propriam nos edocet
Beatitudinem, logos quod & strophas
Evertit omnium, quibus Spinoza vel
Epicurus aut Hobbes placet; sacerrimos
Quos jure dicimus sophos. Tuos proin
Knolli labores excipit plausu, pius
Et sobrius quemcunq; delectat modus
Ratiocinandi. Pergito decurrere
Hunc tramitem. Pulcherrimum Te præmium
Manet, Ter optimus DEus quod conferet
Non terminandum seculorum cursibus.

Id quod Politissimo Dno. Auctori
Respondenti ob pietatem indu-
strialm & modestiam sibi com-
mendatissimo ex animo pre-
catur

PRÆSES

Præloquium.


Animas hominum præstantiores esse anima-
bus brutorum, adeoq; non aequa ac bruto-
rum post mortem interire illis, qui scripturam Sa-
cram pro verbo DEi habent, veritas est extra o-
mnem dubitationis aleam posita. Tot enim sunt
dicta, tot loca in sacris literis continentur, que
immortalitatem animæ tam evidenter probant,
ut omne contradicendi studium procul esse jubeant.
Unicum illud classicum Matth. IO. v. 28. Ne me-
tuatis vobis ab his, qui occidunt corpus, animam
autem non possunt occidere, sufficeret, etiamsi alia
testimonia deessent. Ut ut autem certo nobis con-
stare possit, animam corpori esse superstitem, si scrip-
turam Sacram consulimus, tamen majori diffi-
culty premi videntur, qui idem beneficio luminis
naturalis, sepositis argumentis ex Sacro codice de-
sumus non solum probabiliter concludere volūt, sed
insuper demonstrare conantur. Hinc utrum ani-
ma hominis sit immortalis, an una cum corpore
intereat, magno apud Veteres studio & contentio-
ne quæsumus fuit; Dignam videlicet rati sunt con-
troversiam, in qua hominum ingenia desudarent,
cum omnium causa ageretur. Hinc etiamnum
hodie Clarorum Virorum certamina in diversas

A

abeun-

abeuntium partes. Quamvis vero nonnulli id
potius articulum fidei sua facere velint, quam ra-
tiocinationis effectum: Attamen si que in utram-
que partem de re tantopere controversa disputata
sunt hactenus inter eruditos, perpendamus omnia,
non diffitendum est, argumenta talia adduci pro
immortalitate animæ, quæ sufficiunt ad eam
demonstrandam, & reclamantium sententiam re-
fellere valent. Hec sunt, quæ me etiam moverunt,
ut rem eandem in præsenti disquisitione ventilan-
dam suscepimus, ausimq; contendere, immortalē
esse animam, posse argumentis idoneis ex ratione
desumis, demonstrari. Quod ut evincam, se-
quenti progrediar ordine. Primum explicabo,
quid sit demonstrare. Quod ubi factum fuerit,
præmissa varia acceptione vocabuli Immortalis,
adducentur argumenta, quibus animæ immorta-
litas probatur. Post argumenta proposita tran-
fusus fiet ad antithesin, eaq; refellentur, quæ ad con-
trariam sententiam stabilendam afferri queunt.
His deniq; subjungendus erit usus eximiūs ex hac
fluens assertione contra Atheos, & brevis ad-
abortio, ne facultatibus animi abutamur.

§. I. De-



§. I.

Demonstratio est duplex:
alia, quæ ex effectu causam, vel ex cau-
sa remota effectum demonstrat: alia,
quæ effectum per causam proximam & imme-
diatam demonstrat. Illa vocatur aliás Demon-
stratio *τεχνή*, hæc autem *διόπτης*, & est hujus lo-
ci. Dicitur hæc Demonstratio græcè *ανθεμένη*,
quæ vox varias habet significaciones, quas ta-
men, quia parum ad rem faciunt, sicco pede trans-
simus. Aristoteles illam modo in sensu latiori,
modo angustiori usurpat. Late quando ipsi
sumitur, complectitur omnem syllogismum, qui
aliquid infert etiam ex propositionibus verisi-
milibus & probabilibus, neq; ipsum Enthyme-
ma tanquam Syllogismum imperfectum exclu-
dit: Strictè vero quando ipsi sumitur, denotat
non quemcunq; Syllogismum, sed talem, qui
constat ex propositionibus simpliciter veris, in-
deq; gignit conclusionem, quæ parit scientiam.

A2

Ita

Ita namq; describit illam Demonstrationem Aristoteles ipse, quando Posteriorum Analyt. cap. 2 dicit, quod Demonstratio (scilicet stricte sic dicta) sit συλλογισμὸς ἐπισημωνός sive, qui parit scientiam. Non igitur de Demonstratione in lata sua significatione, sed ut stricte sumitur nobis sermo est, quæ quoniam describitur, quod scientiam parat, quid per illam Aristoteles intelligat, cognoscere juvabit̄ ex loco citato ubi ait: *Scire nos putamus unam quamq; rem simpliciter, cum putamus causam cognoscere propter quam res est, ejus rei causam esse, nec posse eam rem se aliter habere.* Hic tria requirit ab illo, qui rei alicujus scientiam habere dicitur. Primum, ut cognoscat causam propter quam res est, causam simpliciter proximam ad cujus affirmationem sequitur etiam rei affirmatio & ad cujus negationem sequitur rei negatio. Deinde requirit, ut cognoscat, quod causa sit illius rei, cuius scientiam quis acquirere vult. Sic ex gr. non sufficit scire quotannis esse Diametralem interpositionem terræ inter solem & lunam, sed novisse etiam debet, illam interpositionem terræ inter solem & lunam esse causam Eclipseos lunæ. Tertio ut certus sit, rem aliter se habere non posse i. e. prædicatur necessario suo subjecto inesse, idq; ei debet esse adeo persuasum, ut nunquam

quam credat contrarium. Si quis ejusmodi scientiam ope demonstrationis sibi acquisiverit, ille veram Demonstrationem proprieq; dictam usurpare censendus est. Sin vero scrupulus & dubium remanet, non scientia, sed opinio potius est appellanda. In eo namq; differunt opinio & scientia, quod scientia sit firma & cum constantia animi conjuncta notitia, faciatq; cognoscentem omnino certum, opinio vero sit cognitio infirma, tenuis & inconstans, quæ hominem nutantem & fluctuantem reddit.

§. II.

Ex his, quæ de Demonstratione diximus, jam quivis facile intelligere potest, quid velimus, quando immortalitatem animæ ex lumine naturæ demonstrabilem esse, affirmamus. Nimirum hominem eo posse pervenire, ut non tantum cognoscat probabiliter, animam esse immortalem, verum & argumentis talibus immortalitatem evincat, quæ scientiam in intellectu humano gignant tam certam, ut immortalitatem animæ in dubium nemo amplius vocare queat, qui semel eam, uti par est, perpendit, & argumenta, q; id persuadent, non obiter consideravit: Additur autem ex lumine naturæ, ut indicetur, argumenta immortalitatem animæ probantia, non esse ex sacrâ scripturâ de-promenda.

§. III.

Veniendum nunc ad ipsa argumenta, quæ luculenter animæ immortalitatem demonstrant. Sed prius de ipsa voce immortalis constare debet, & quid illa significet, Immortalitas quatuor modis accipitur, 1. Pro impotentia moriendi absoluta & omnimodâ, ita ut aliquis simpliciter ac per naturam ab omni interitu immunis sit, nec ullo modo desinere possit. Quo sensu solus Deus immortalis ac in corruptibilis est. 2. Pro impotentia moriendi ex dono & singulari ordinatione DEi. Sic corpora beatorum & damnatorum erunt incorruptibilia, non ex proprietate naturæ, sed DEi tum gratia, tum dispositione peculiari 3. Pro potentia non moriendi, quo sensu illud immortale, quod actu non moritur, mori tamen potest, certa conditione posita, qua non posita in moriendi actum nunquam deducitur possilitas moriendi, quæ cum non moriendi possilitate conjuncta est. Atq; hoc modo corpus primi hominis immortale fuit. Non enim aderat impotentia moriendi, sed tamen potentia non moriendi. 4. Pro impotentia moriendi ex Gratia Creationis, quo pacto omnis spiritus est immortalis. Ita enim productus est, ut vi concreta sibi naturæ mori prorsus nequeat, sive interire,

etiam-

etiam si per omnipotentiam DEi possit destrui ac in nihilum redigi, & quia omnis compositionis ex materia & forma substantiali expers est ratione intrinsicæ suæ naturæ ab omni corruptione libera existit. Vid. Lassenii. besiege Atheistery §.2. Annot. ad Dissert. II. Theandri. Solent Philosophi id ita exprimere, ut dicant, spiritum ejusmodi dependentem esse incorruptibilem ab Intra, licet non sit corruptibilis ab Extra. Anima igitur humana in se considerata cum nihil aliud sit quam spiritus, simul patet, eam quoq; modo spirituali esse immortalem, non quidem à parte ante, sed à parte post; Patet eam ratione intrinsicæ suæ naturæ ab omni corruptione esse liberam, nullaq; habere in se principia corruptiva. Alias res in duplice sunt differentia, quæ existentiam suam amitterei. e. desinere possunt. Quædam sunt compositæ, quædam simplices. Piores suam existentiam perdunt, quando partes, ex quibus componuntur, separantur: posteriores autem ut Angeli & Anima hominis periire nequeunt nisi per annihilationem, quæ cum æq; ac Creatio vires Creaturarum supereret, omnes mutationes, quæ in rerum natura continentur, facere non possunt, ut Angelus & Anima humana pereant, s. esse definit. Pro hat itaque animæ (nam de Angelis nobis nunc non est sermo)

sermo) immortalitate, quam multi frustra in du-
biū vocant, quandoquidem non pauca Docto-
rum Virorum argumenta satis valida militant,
præcipua quæ videntur, hic enarrabimus.

§. IV.

Primum desumitur a Providentia DEi. Pu-
gnat enim contra DEi sapientissimi provisionis
dispositionem non reddere bene merentibus
præmia, sceleratis autem & facinorosis poenas.
At experimur Viris facinorosis sèpius in hac vi-
ta omnia feliciter evenire, fideles autem perpe-
ti varias calamitates & persecutio[n]es. Relin-
quitur igitur, quod anima post mortem super-
stes maneat, ubi tum fiat compensatio Virtutum
& Vitiorum. Huc respexit Clemens I. 3. recog-
nit: quando ita conclusit: *Si DEus justus est,*
anima immortalis est. Recte etiam Socrates a-
pud Platonem in Phædone: *Grave periculum fo-
re putandum est, si quis neglexerit animam, si e-
nī mors totius dissolutio effet, nimium improbi
lucrarentur, cum ē à corpore ē à sua pravita-
te liberarentur. Nunc autem cum anima immor-
talis appareat, nulla superest malorum declinatio,*
nulla salus, nisi ut optima ē prudentissima fiat.
*Profecto male consultum est hominibus, si impro-
bos supplicia, bonos eterna præmia non maneant,*
nec DEus nisi justus esse potest, neq; patitur justi-
tia ordo,

*tia ordo, ut vir bonus iis sit infelior, qui se vitiis ac
sceleribus contaminaverint ē voluptatibus ser-
vierint, virtus vero sua mercede fraudetur. Idem
indigitare voluit Orator ille sacer Chrysostomus,*
quando serm. 4. de Providentia inquit: *Si nihil
est post hanc vitam, igitur neq; DEus est. Nam si
est DEus, justus est, si justus est, juxta merita unicui-
que distribuit. At si nihil est post hanc vitam, ubi
nam accipiant singuli pro meritis? Etenim multi
hic bene habent honorantur ē, pravicium sint. alii
afflictantur, cum justitiam colant. Quare si post
hac nihil est, emigrabunt justi affecti injuria, ē
injusti immerita felicitate patientur. Ubi igitur ob-
tinebit justitia? Quod si nemo accipiet, quæ meritus
est, nec secundum se DEus justus est, ē si non est ju-
stus, neq; DEus est. Imo tantum abest, ut anima
cum corpore intereat, ut potius sceleratissimi ho-
mines, qui cum bestiis & vivere & mori cupiunt
contrarium testentur eo ipso momento, quo na-
turæ debitum reddere coguntur, dum quicquid
etiam sibi de mortalitate animæ fingant, nihil
ominus horrore contremiscunt & poenas sceleri-
bus suis dignas præstolantur.*

§. V.

Secundum argumentum desumitur à com-
muni & publicè recepta hominum persvassione.
Quod argumentum, quia Cicero præcipue tra-

B

ctat,

Etat, illius verba nostra hic facimus. Ita vero ille
inquit. Neq; enim priisci illi sepulchrorum religio-
nes & ceremonias tanta cura coluisse, nisi habisset
in eorum mentibus, mortem non esse interitum o-
mnia tollentem atq; delentem, sed quandam quasi
migrationem commutationemq; vita. Atq; hac ita
sentimus Natura luce, nulla ratione nullaq; doctrina.
Hinc omnibus curæ sunt ea & maxime qui-
dem, quæ post mortem factura sunt, & nisi inhære-
ret in mentibus quasi augurium futurorum seculo-
rum, quistam amens esset, ut semper in laboribus &
periculis viveret? Quid si ergo, inqui porro Tuli-
lius, omnes, qui ubiq; sunt, consentiunt, esse aliquid,
quod ad eos pertineat, qui vita exceperunt, veri si-
mile est, post mortem animas permanere; Nam
specimen Naturæ capi decet ex optima quaq; natu-
ra, sed optimus quisq; maxime posteritati servit.
Nemo unquam sine magna spe immortalitatis se
pro patria offerret ad mortem. Nec melior est in
hominum genere Natura, quam eorum, qui se natos
ad homines juvandos & conservandos arbitran-
tur. Est igitur animarum humanarum immorta-
litas omnium pene Gentium consensione firma-
ta. Si quidem non Philosophi solum, qui ceteros
mortales ingenii acumine antecelluerunt hoc in
scriptis suis testantur, sed Barbaros etiam popu-
los & in illis istos, quos è numero hominum in
bellua-

belluarum propemodum censem hebetudo na-
turæ & vecordia redegerat, de animæ immorta-
litate non dubitasse, atq; adeo de ejus post hanc
vitam statuac conditione fuisse sollicitos, optimi
fideq; digni Autores literis prodidere. Illud te-
statur Morneus, quando cap. 15. de veritate reli-
gionis Chr. ita inquit: Percurre ab ortu ad occa-
sum, à septentrionibus ad Austrum, non Turcas, A-
rabes, Persas, sed qui in primis barbari, rudes, feri
habentur, Anthropophagos, Canibalos, Caribas,
hanc toto orbe fidem unanimi Gentium omnium
consensu receptam & approbatam invenies. Non
vero hic defatigari posse lectorem existimamus
si ad specialiora etiam descendamus, & quos con-
stat affluisse immortalitatem animæ populos
barbaros, hic nominemus. Getæ Thracum justissimi
& fortissimi non putant apud Herodotum se
mori, sed eum, qui defunctus fuerit meare ad Za-
molxim. Egypci apud Diodorum siculum Pa-
rentes & Majores suas ad eternam habitationem
translatos autumant. De Chinensibus, quorum
religio est pure pagana Hugo Linschotanus afir-
mat, credere omnes immortalitatem animæ, atq;
post hanc vitam retributionem bonorum malorum
ve, prout quisq; bona malare gesserit. Descriptio
regni Africanae Gvineæ, quæ primum à Batavis e-
dita & post latinis facta est, narrat, regni ejus inco-
B2 las

tas de altera vita & extremo iudicio interrogatos respondisse; se quidem extremum iudicij diem prorsus ignorare, adfirmasse tamen, aliam efferationem hominum & aliam pecorum licet, que hominum conditio post mortem foret, prorsus ignorarent, neque scirent, an locus ille, quo transferrentur, supra vel infraterram esset, se nihilominus de supellectile solere partem aliquam defunctis adsignare, ut quo-cunq; tandem venirent, haberent, quod ad usus quotidianos necessarium esset. De Peruanis Gente barbara Josephus Acosta hoc scribit: Indi qui in Peru habitant, animas hominum immortales esse, ac pios vitam eternam, impios autem eternam damnationem manere credunt, corpora vero una cum ipsis animabus aliquando resurrectura esse, omnino ignorabant. De Brasiliæ incolis feris & aethiopis scribit Johannes Lerius, qui annum inter eos versatus est, se non credere, gentem ullam in toto terrarum orbe esse, qua ab omni religione sit magis aliena: iidem tamen ipso teste, non modo immortalitatem animalium credebant, sed pro certo quoq; habebant, post mortem eorum animas, qui virtutem coluerint (virtutem autem definitum suo more, nempe ultionem sumere de hostibus & quam plurimos mandere) post altissimos montes evolantes patrum & avorum suorum animis aggregari, ibi in amenissimis hortis, perpetuis de-

liciis

lciis ac tripudis latum avum agere: ignavorum contra manes abripi ab Aygnan (sic illi vocant Cacodemонem) & cum eo semipertos inter cruciatus vivere. De incolis Virginiae Thomas Hariot Anglus sequentia reliquit: Animæ immortalitatem etiam credunt, eam statim atq; à corpore soluta est, transferri secundum opera, quæ fecit, vel ad Deorum sedes ad perpetuam felicitatem percipiendam vel ad ingentem fossam s. scrobem (quam in extremis mundi finibus procul ab ipsis versus Occidentem sitis, esse censem) ad perpetuum ignem. Vide Georg. Calixtum de immortalitate Animæ cap. I. Plura iam exempla cumulare non attinet, cum adducta plus satis probent, barbaros populos per totum terrarum orbem dispersos immortalitatem animæ unanimi consensu approbasse atq; credidisse.

§. VI.

Terium argumentum suppeditat Plato, quando luce divina animos nostros aspergi ostendit, ex qua cœlestem & incorruptam illorum pariter & Angelorum naturam esse, recte colligi potest. Intuenti enim animam humanam statim consideranda occurunt varia ejus officiorum genera, ingens vis & perspicacitas in rebus cognoscendis. Nam composita dividit, & quæ sunt divisa componit, præterita in memoriam revo-

B3

cat,

cat , futura callide præsagit & plura alia agit,
quæ aliquid divini nobis inesse probant.

VII.

Quartum argumentum præbent objecta animæ quæ non solum sunt res caducæ & temporales, verum res simplicissimæ, spirituales & æternæ. Si igitur inter facultatem cognoscentem & Objectum semper magna intercedit convenientia, simillimam quoq; animam esse suo Objecto, ejusdem indolis ac naturæ omnino statuendum erit. Quod si vero anima ejusdem indolis & naturæ est cum suo Objecto, non poterit amplius negari, esse immortalem & naturæ incorruptibilis. Longe si quidem præstantiorem esse animam corpore vel inde appareat, quod corpus quasi serviat animæ, contra anima ejus Domina à natura in hac vita constituta. Corpus enim subjectum est animæ imperio, & anima dominium gerit in corpore, quod indicat corpus esse mortale, animam autem divinæ naturæ atq; immortalem.

§. VIII.

Quintum argumentum est, quod anima se ipsam agitet, & in se ipsa sui motus principia habeat, adeoq; à nullo dependeat corpore, sed naturam longe divinorem sortita sit, neq; adeo perire aut dissolvi in se posse, cum in se sui mo-

tus

ras fontem, in qua vita ipsa consistit, possideat, nec deseriri à se ipsa possit. Vita enim nihil est aliud, quam quædam continuata & perennis motio. Hinc ea de re sequenti modo disputant Platonici: *Qui fieri potest, ut pereat anima vel dissolvatur, si vita illi per se ut proprio & adiquato subjecto competit?* Nam quod alicui per se convenit, ab illo abesse non potest, ut rotunditas à circulo nequit separari. Illud enim propriè vivit, quod visua non aliena movetur, & cum in se habeat motus perennem fontem, nunquam cessat, nec à se deseritur. Hoc igitur est spiritualis formæ proprium, ut subsistat per se, neq; à corpore, cuius hospitio tantum utitur, omnino dependeat. *Quod si etiam nulla res se deserit, & id moritur, quod vita deserit, utiq; animus mori non potest.* Est quippe aut vita ipsa, ut S. Bernhardus ait, aut per se & se ipso vivens. Vid. Joh. Baptistam Du Hamell. 4. §. 3. de Mente humana.

§. IX.

Sextum argumentum est, quod ex summi boni appetitione & rerum mundarum fastidio oritur. Nullum enim est in hac vita tantum bonum, quod adepti tandem aliquando non fastidiamus, quamvis illud avidè appetiverimus. Unde ad alia semper mens anhelat, si quod forte invenire possit Objectum, in quo quiescat. Signum igitur

igitur est animæ natura ac facultates cognoscendi & desiderandi eidem proprias caduca omnia transcendere, naturæq; dignitatem superare, quandoquidem eorum nullum invenitur, quod ipsis non tandem frigeat ac vilescat. Verum itaq; est, quod Gregorius Nazian: Doctor celeberrimus dixit: *Corporales deliciae cum non habentur, desiderium accendunt, habitæ vero in fastidium retruntur, in iis appetitus placet, experientia displaceat.* Contra solum summum bonum est, cuius diuturnior contemplatio non tedium, & cuius fruitio nullam nauseam animæ creare potest. Verum quam avide etiam hoc bonum concupiscimus, parum tamen est, quod etiam maxima adhibita diligentia cognoscere licet. Quia igitur non frustra tantum rerum terrenarum fastidium & tantam contra sciendi videndiq; cupiditatem in nobis accedit Deus benevolos, quam explere non possumus, priusquam vitam cum morte mutaverimus, neceesse est, animam non mori una cum corpore sed post ejus interitum superessa. Quam in spem nisi venire possemus, quibus vis animalibus essemus infeliores, quæ dum ratione carent, nullas molestias, pericula, curas, anxietatem sentiunt, quæ misere homines excruciare solent. Sua sponte igitur sequitur, aliam dari vitam, in qua molestias hic devoratas excipiet

cipiet gaudium magnum & anima voti sui compos fiet.

§. X.

Septimum argumentū fluit ex eo, quod naturale sit homini secundum virtutem vivere, illud autem dici non posset, si homo jumenti more interiret. Quare si secundum virtutem vivere à Numine divino nobis est implantatum, thesin quoq; nostram veram esse oportet, quod anima sit sua natura immortalis, quia sine spe præmii nemo virtutibus incumbit. In quo nobis assentitur magni nominis Theologus Fridericus Ulricus Calixtus, quando in Dissertatione de Immortalitate animæ ita scribit: *Sublata è mentibus humanis immortalitate animæ tollitur simul & revertitur omnis reverentia & cultus Numinis, omne studium probitatis, Virtutis, justitiae & honestatis. Neq; enim recte consultus fuerit, qui virtutis causa corpori renuntiaret, si cum corpore ipsa amittenda sit anima.*

§. XI.

Octavum argumentum colligitur ex spiritualitate animæ. Si enim anima esset corporea, eo melius se haberet, quo arctius unita esset corpori, verum contrarium testatur quotidiana experientia. Fœda enim committunt flagitia, magna scelera patrant cupiditatibus

C

corpo-

corporis incitati homines, nihil etiam magis suf-
flaminat intellectum ineptumq; facit ad inda-
gandas rerum causas & caelestia secessanda quam
corporis ergastulum. Quo magis autem se se-
curis corporis eximere & a sensibus abducere
potest anima, eo minora sentit impedimenta in
suis speculationibus, quibus tum incumbere po-
terit quam optimè sitota ex hoc suo carcere fue-
rit liberata. Deinde quoq; saepius comperimus
animam resistere cupiditatibus corporis, nec per-
mittere, ut agat, quæ carni grata sunt, quod te-
statur spiritualem & non corpoream esse mentis
naturam. Præterea quam maximam esse diver-
situdinem sensuum & animæ facultatum, satis li-
quet. Ut ut enim homolynceos habeat oculos,
solem tamen introspicere nequit, ejusq; ferre lu-
cem, reliqua membra corporis, si minimo admo-
ventur igni, facile laeduntur; Contra intellectus
nunquam rerum scientia impletur, nunquam sa-
tiatur, nihil est tam sublimie, quod ille non capiat,
& quo plura capit, eo magis perficitur ac prom-
ptior redditur ad alia percipienda. Memoriæ tan-
ta est capacitas, ut innumeræ res, quas videmus
& audimus, custodiat, custodita suo iterum tem-
pore depromat. Egregia quoq; animi vis est,
quam vocamus inventionem & excogitatio-
nem, cuius beneficio quotidie multa in commo-
dum

dum & utilitatem generis humani proferuntur,
quæ antea erant ignota. Deniq; si mens omnium
corporum essentias complectitur, naturam quo-
que omni corpore præstantiorem habere, dicen-
dum est. Confirmat ea, quæ protulimus in me-
dium Augustinus lib. de quantitate animæ: Si
anima, inquit, est corporea, cum tam parvo spacio
sit, quam corpus ~~est~~ ejus, cur tam magna in ea ex-
primuntur imagines, cum latitudinem terrarum
et alia quoq; ingentia apud se posse imaginari? I-
dem animam spiritualem esse, non corpoream
hinc colligit, quod veram lineam omni latitudi-
ne destitutam, & verum punctum, quod secari
non possit, mens perspiciat, & tandem optime
concludit nobiscum: Sic corpore a corporeis oculis
mira quadam cognitione rerum circumscriptur, ani-
mus, quo videmus illa incorporalia, non est corpo-
reus aut corpus.

§. XII.

Nonum argumentum, idq; omnium fere
validissimum, quo animæ immortalitas demon-
stratur, tale est: Quicquid non dependet à Ma-
teria neq; in esse, neq; in operari, id est immorta-
le. Atqui anima est talis. E. Quod omne inde-
pendens à materia in operari sit immortale, ita
patet, quia operationes indicant essentiam, &
modus operandi, sequitur modum essendi. Ul-

terius probatur, quia animam natura sua esse immortalem, nihil aliud est, quam eam habere naturam talem, quæ sit à materia independens, quæque non necessario desinat, materia facta indisposita, sicut sunt formæ accidentales, ut calor & frigus, vel formæ brutorum, quæ corrumpuntur, materia facta indisposita, quippe quæ educuntur è potentia materiæ. Jam vero animam non dependere à Materia in Esse, octavo argumento probatum est, ubi spiritualitatem ejus adstruximus. Operationes animæ itidem esse independentes à Materia, concluditur ex Intellecione & Volitione tanquam præcipuis actibus animæ, quos actus immortales esse apparet ex genere illorum, quo tales sunt, ut etiam DÆo & Angelis convenient, quibus nihil materiæ inest. Nullum etiam illorum actuum datur organum, quemadmodum materialibus actibus visioni scilicet & auditioni de oculis & auribus prospexit, constat. Omnes cerebri sinus & partes scrutare, inquit Joh. Baptista du Hamell. 4. cap. 4. de mente humana nusquam intellectus organa ostendes, nec quicquam fere occurret, quod in aliis animantibus non inveniatur. Quod quidem magno est arguento, vim intelligendi nullo organo insidere, sed plane spiritualem existere. Nam licet intueri, quam dissimili & diverso à sensibus modo mens ipsa functiones

ctiones suas exerit: Ut in se ipsam redit & reflectitur, ut je colligit & quasi intus revocat, cuncta permeat, nec habet definitam aliquam regionem cuius terminis includatur: sensus vero per angusti hebetes infirmi, in exteriora dilabuntur, neq; in se, neq; in suos actus reflecti possunt, non enim in colorati aut sonori. Quod igitur sensum ipsum & illius actus perspicit, id omni sensu superius est. Vis quoq; illa, qua res etiam corporeas contemplanur, qua ipsa phantasmata aut componimus aut dividimus, aut exploramus, aut rejicimus, aut feligimus, aliud quiddam est à sensu, longe diversum. Nihilne amamus præter corpora? quid amatur in Amico, animus aut corpus? Fides, benevolentia, Virtus diligitur. Quid in sanctis, quid in Martyribus laudamus membra laniata à feris? Quid tibi videtur, adolescens pulcherrimus si fur sit? quomodo horrent oculi tui? nunc quid oculi carnis horrent? si illos interroges, nil illo corpore compositius, nihil ornatius, & parilitas membrorum & coloris delectatio illicit oculos & tamen cum audis, quod fur sit, fugis hominem animo. Vides ex alia parte senem curvum, baculo innitentem, vix se mouentem, rugis undiq; exaratum. Quid vides, quod oculos delectat? sed quia audis, quod justus sit,amas illum & amplecteris. Ex quibus intelligitur, animam non cognoscere modo, sed etiam appetere.

appeteres res spirituales, atq; adeo nec intellectum
nec voluntatem corporeis organis alligari &
consequenter esse immortalem.

§. XIII.

His posterioribus argumentis animam esse
immortalem ex ipsius natura & conditione pro-
babimus: Quæ jam seqvuntur ulterius ostendunt,
DEum nolle animam perdere aut annihilare. Et
hoc deducitur ex communicatione summi boni.
Quamvis enim DEus sit Ens pulcherrimum, ju-
stissimum, sapientissimum, sanctissimum perfe-
ctissimum & ut paucis verbis multa comprehen-
dam, summum bonum, quod sibi ipse sufficien-
tissimum est, & in se ipso acquiescit: Nihilomi-
nis placuit illi bonitatem suam cùm creatura
scil. hominibus communicare. Indidit eum in fi-
nem illis intellectum, ut si eo rectè & decenter
uterentur, beneficio illius adspirare possent ad
cognitionem summi boni; indidit illis volunta-
tem, ut summum bonum agniti amore pro-
sequerentur, laudarent, deprædicarentq;. Ea e-
nim est conditio voluntatis, ut quod intellectus
bonum judicavit, voluntas amore suo dignum
existimat, & diu retinere cupiat. Quod si igitur
omnes, qui Intellectu debito modo utuntur, ad
cognitionem DEi, qui est summum bonum, per-
veniant, illud impense ament, ejus amicitiam ap-
petant

petant & consortio frui desiderent quam diutis-
sime, non potest DEus clementissimus spem illo-
rum fallere, quam ipse excitavit, non potest cum
morte illis subducere summum bonum, existen-
tiā illorum perdere & annihilare, nisi infinitæ
suæ bonitati quicquam vellet dero gare. Quis
autem tantæ erit temeritatis, ut DEum ludic-
aturum esse miseros homines affirmare non
erubescat? Absit igitur, ut DEo talia tribuamus,
credamus potius, quod sana ratio dictitat, ani-
magam esse immortalem & nos sumnum Bonum,
quod hic quasi per speculum & ænigma intue-
mur, plenius in vita æterna esse cognituros, aspe-
ctuq; ejus sine fine fruituros in secula. Deinde
& repugnat immutabilitati divinæ, qua non po-
test definire aut ipsius voluntas esse bona, aut o-
mnipotentia in impotentiam utari, quod fieret,
si DEus animam à se creatam in nihilum redige-
ret, existentiam ejus plane tolleret. Sive enim
non potuisse, sive potuisse quidem & noluisse
dicamus, DEum inconstantiae accusabimus.
Quod cum blasphemum sit, animam esse im-
mortalem, concedendum erit.

§. XIV.

Hæc sunt argumenta præcipua sanæ ratio-
ni consentanea, quæ si rite perpenduntur, non
separatim sed conjunctim, non modo probant,
sed

sed demonstrant etiam, & ob oculos quasi ponunt, animam non cum corpore interire, sed ad aliam vitam superstitem manere. Itaq; cum Conimbricensibus non dubitanus afferere, nostra aetate ita celebre esse, animæ immortalitatem posse demonstrari, ut jure temerarius habeatur, qui huic assertioni refragaretur, minimeq; credendum esse, refragaturos Scotum & Cajitanum si nunc vivent, et si aliquando aliter censuerint.

§. XV.

Nihilominus, quia hodie inveniuntur magni Nominis Viri, qui in contrariam inclinant sententiam, eorum hic objectiones proponemus. In Genere primum objicitur contra Animæ immortalitatem: **Quocunq; captum humanæ rationis superat**, in illud frustra inquiritur: Atqui **Doctrina de immortalitate animæ captum humanæ rationis superat**. E. Resp. Doctrinam de immortalitate animæ captum humanæ rationis non excedere, demonstrarunt illa argumenta, quæ modo à nobis adducta sunt, quæq; quamdiu non refutata fuerint, dilucide satis probant, instinetum & facultatem inquirendi à divino Numinne nostræ inditam esse rationi. Secundo objiciunt: **Quocunq; dogma sola fide tenendum est**, illud non potest demonstrari. Atqui **dogma de immortalitate animæ sola fide tenendum est.**

E. Resp. Non omnia, quæ fides docet, supernaturali cognitione teneri oportet, si alioquin satis nota sunt lumine naturali ex. gr. Omnia hominum futurum interitum, proximum esse diligendum, non lædendum & similia, quæ cum natura doceat, in divinis tamen etiam Oraculis habentur. Nihil enim vetat ea, quæ naturali demonstratione assequimur, supernaturali etiam, sed tamen evidenter longe judicio approbari. Tertiam Objectionem format Clarissimus Thomasius Jurisprud. Div. lib. 2. cap. 2. §. 22. quando philosophice demonstrari posse animæ immortalitatem ex eo vult negare, quod omnia, quæ de anima novimus, sint incerta planè & dubia, adeo ut accurata animæ definitio non detur. R. Datur omnino definitio animæ, quamvis sit illa imperfecta, & non omnibus numeris absoluta, ut perfectam animæ notitiam nobis acquirat, in aliqualem tamen ejus cognitionem nos adducit, & habet hoc cum multis aliarum rerum definitionibus non contem nendis commune, quod totam rei essentiam non exhaustat. Sic de quo conceptum non sufficientem præbet ejus definitio, quando vocatur animal hinnibile, & tamen melior ignoratur, quia latet differentia ejus specifica, ut penè omnium specierum.

D

§. XVI.

§ XVI.

In specie, quod Providentiam divinam attinet, nonnulli vim argumenti ex illa defumti infringere conantur, quando dicitur: Virtutem sibi ipsi sufficere ad vitam feliciter instituendam, hominiq; virtutibus dedito nullum deesse bonum. Esse illum in periculis depellendis cauteum, in obeundis intrepidum, adversa facile ferre, & semper sibi ipsi esse solatio: Impium vero & plane carentem virtute esse miserrimum, in omnibus timidum in actionibus dubium, sentire nunquam non stimulum conscientiae, quæ scelera ex aggerat, tristem facit & excruciat. Verum Respondemus, parum roboris huic objectioni inesse. Videmus enim nequissimos saepe homines ita esse sopitos in sua iniustitate et malitia, ut pulsum conscientiae vel omnino non sentiant, vel etiam sentientes contemnant. Et sane absq; periculo id facerent, si verum esset, animam cum corpore mori & nullus foret post hanc vitam scelerum vindex. Contra omnem virtutem eliminare videntur, qui virtutem sibi ipsi præmio esse & nullam habere mercedem, statuunt. Nemo quippe in paupertate vivere, cupiditatibus frenum injicere, summaq; cum molestia vitare volet ea, quæ carni grata sunt, nisi compensationem aliquam sperare posset,

sed

sed effundet se in omnia facinora, furtum, libidinem, homicidium inter laudabilia numerabit, nihilq; sanctum, nihil justum putabit, quam quod sibi gratum aut utile esse duxerit. Pergunt secundo excipere hunc in modum: Nullum virtuti theatrum conscientia majus est. R. Fatedum id quidem, sed negamus cum Lactantio, virtuti ullum locum relinquiri, si anima interit. Neq; enim, ut ait ille lib. 7. Just. div. cap. 9. *Virtus erit secundum naturam, cum praesenti vita noceat.* Nam vita ista terrena, quam communem cum multis dicimus, & voluptatem expedit, cuius fructibus variis ac suavibus delectatur, & dolorem fugit, cuius asperitas Naturam viventium acerbis sensibus laedit. Si ergo & virtus prohibet iis bonis, quæ naturaliter appetuntur & ad sustinenda mala impellit, quæ naturaliter fugiuntur: *Virtus malum quoddam est, & inimicum naturæ, stultumq; judicari necesse est eum, qui eam sequitur, quoniam se ipse laedit & fugiendo bona presentia & appetendo mala sine spe fructus amplioris.* Si autem virtus malum non est, facitq; honeste, qui voluptates vitiosas, turpesq; contemnit, & fortiter qui nec dolorem nec mortem timet, ut officium servet, utiq; majus aliquid bonum assequatur, necesse est, quam sunt illa, quæ

D2

sper-

spernit. At vero morte suscepta, quod ulterius bonum sperari potest, nisi eternitas?

§. XVII.

Contra argumentum nostrum secundum scilicet testimonium omnium Gentium & consensum etiam Ethnicorum objicit idem Clarissimus Thomasius, ideo rejiciendam esse, quiaEthnici præter multa absurdæ & sanæ rationi contraria docuerint, immortalitatem animæ hanc niti hypothesi, quod animæ humanæ quasi particulæ sint ex divinitate decerptæ. Resp. Concedimus libenter, falsam hanc fuisse Gentilium hypothesin de animarum humanarum origine, quam absurdissimam esse fatetur ipse Cicero lib. I. de natura Deorum ita inquiens. *Pythagoras, qui censuit, animam esse per naturam rerum omnem intentum & commenantem, ex quo nostri animi carperentur, non vidit, distractione humanae animorum discerpi & dilacerari Deum, & cum miseri animi essent, quod plerisq; contingeret, tum Dei partem esse miseram, quod fieri non potest.* Interim tamen immortalitati animæ nihil derogat, quod Ethnici in veris causis allegandis erraverint, dummodo in re ipsa nobis cum consentiant. Tum etiam non omnis nostra probatio nititur hoc unico arguento, sed cum cæteris magis stringentibus debet conjungi, non vero ab iis separari.

§. XVIII.

Ad argumentum nostrum sextum, quo dicimus rerum mundanarum usum excitare tedium, regerunt: Fastidium illud, quod nos sentimus in rerum mundanarum & terrenarum usu quotidiano, oriri non tam ex ipsis rebus, quam naturæ nostræ inbecillitate, quæ nimia illarum fruitione facile debilitatur. DEum itaq; ajunt ingenerasse humano generi tale fastidium, ne damnum inde caperet. Resp. Veritati contrarium est, quod hic supponitur. Non enim cuiquam ignotum esse potest, provenire fastidium rerum caducarum ex usu perpetuo, qui nos docet, non id boni ejusmodi rebus inesse, quod animam reddat beatam.

§. XIX.

Contra appetitum innatum vitæ æternæ objicit Celeberrimus Scherzerus in Breviario Eu-stachiano quest: phys. 223. Etiam appetitus est impossibilium. Appetitus ille potest esse argumentum superbiæ in anima humana R. Distinguendum est inter appetitum inordinatum seu cum *αλοξίᾳ* coniunctum & ordinatum, qui nihil mali continet. Appetitus quidem im possibilium etiam datur, sed ille est inordinatus, malus atq; propterea coercendus. Appetitus vero animæ, quo illa æternitatem appetit, est ordinatus,

rus, neq; malus esse potest quia ideo vivere in a-
ternum exoptat, ut summo bono fruatur, cuius
desiderium DEum ipsum ingenerasse animæ su-
pra, quando de communicatione summi boni a-
gebamus, asseruimus. Objicitur secundo: Etiam
bruta & resinanimes propensiones suas atq; de-
sideria semper essendi manfeste satis ostendere:
illas quidem viatum querendo & fugiendo, quæ
nocere possunt, has autem innato appetitu loci
conservantis & conformatione illius figuræ, quæ
minus patet externis incuribus. R. Ejusmodi
res ratione destitutæ non eo modo exerunt pro-
pensiones, quo homo. Nobilior enim cogni-
tio & appetitus requiritur ad illud desiderium,
quam quale animantibus inesse, cognoscimus,
quippe quæ sui conservationem quidem appe-
tunt, sed appetitu semper essendi destituuntur.

§. XX.

Contra Spiritualitatem animæ acutissimus
Theologus & Philosophus Scherzerus objicit in
Breviario Eustachiano physic: quæst: p. 253.
Animæ status immaterialis nempe separatus est
violentus, materialis vero sive conjunctus, est
naturalis E. & ipsius essentia est materialis. Resp.
Nulla est consequentia. Nam concessio, animam
separatam esse in statu violento, non tamen erit
materialis, si sit in statu unionis. Deinde si est im-

materialis in statu separato, hinc immaterialitas
illi competet per naturam. Objicit 2. Anima
se ipsam non aliter, quam materialiter potest co-
gnoscere, ergo illa ipsa dicit, se esse materialem, cui
videtur esse credendum. Cur enim, inquit porro,
illi non credam, quando de se ipsa loquitur, cum
credam, quando de aliis extra se differit. Resp.
Non protinus id materiale est, quod spiritus
noster cum aliqua materialitate concipit. Dein-
de falsum quoq; est, in idea animæ haberi ali-
quani corporeitatem. Nam datur utiq; intel-
lectus purus h. e. talis, qui nullis opus habet spe-
ciebus sensibilibus vel phantasmatibus, ut patet
ex inductione earum rerum, quæ non cadunt
sub sensus, quales sunt morales, & quæ circa
abstracta versantur. Objicit 3. Non valet ar-
gumentum, quod est spirituale, illud est immor-
tale, quamvis enim non habeat causas corrum-
pentes in se spiritus, habet tamen in se defectibi-
litatem, quæ oritur ex dependentia a Creatore, nisi e-
nim Creator conservaret, deficeret actu, conservat
autem juxta beneplacitum suum sive ex gratia.
E. quod non deficiat, id gratia Creatoris tribuen-
dum & non Natura. Resp. Ad hanc objectio-
nem jam responsum est superius, ubi probavi-
mus, sanum dictitare nobis rationem, DEum
non posse velle ut anima in nihilum redigatur,

aut

aut existentia ejus plane tollatur, quamdiu manet, summè bonus, & in voluntate sua immutabilis. Possumus enim ita argumentari: Ex duabus contradictoriis sententiis de DEO, illa est præferenda, quæ magis cum perfectionibus divinis convenit, & divino illius honoris illustrando magis inservit. Quis vero est tam imprudens, ut non facile videat, aptiorem esse illam sententiam ad sapientiam, bonitatem & immutabilitatem divini Numinis declarandam, quæ dicit DEum velle in perpetuum servare animā, quam oppositam, quæ DEum annihilaturum esse animam statuunt. Majorem ostendit sapientiam DEi, animas ita ab interitu vindicare, ut piæ quidem indesinenter bonitatem ipsius laudibus extollant, & honorem ei debitum exhibeant, impiæ etiam nolentes & sine proprio commodo ipsius gloriæ inserviant, quam existentiam illarum, quæ manet semper in le bona, perdere. Majorem præ se fert bonitatem Creatoris opus productum in sua essentia servare, quam destruere. Magis deniq; convenit Constantiæ & Immutabilitati divinæ animam sola sua voluntate creatam conservare in perpetuum ad suam gloriam honoremq; quæ mutata voluntate, licet possit ejus interitum impedire, concedere imo efficere, ut esse suum amittat & in nihilum recidat. Amplectenda igitur est

illa

illa sententia, quæ nos docet, DEum velle conservare animam in suam gloriam & obsequium, indeq; fore immortalem. Facit etiam pro nobis, quod ipse Clarissimus Scherzerus habet in Breviario suo Eustachiano. Phys. quest. 222. quando dicit ibidem, *si immaterialitas constaret ex natura, etiam ex natura constaret immortalitas.* Atqui immaterialitatem nos abunde probasse confidimus. Objicitur 4. à Materialistis. Si anima es-
set incorporea, non posset uniri corpori. E. non es-
set incorporea. Resp. Majorem esse falsam. Nam licet maximè distent corporeum & incorporeum, tamen unio negari non potest, licet modum hujus unionis ignoremus. Sufficit esse distin-
ctissimas substantias corpus & Animam, multa namq; in naturalibus sunt, quorum modum i-
gnoramus, propterea tamen res ipsa neganda non est. Quis enim novit modum mistionis hu-
midi & calidi, aut occultarum qualitatum & ta-
men nemo negat, talia conjungi in corporibus.
Objicitur 5. Omnis substantia finita est corpus At-
qui anima humana est Substuntia finita E. Resp.
Hæc est petitio principii, queritur enim, an omnis
substantia finita sit corp^s, quod nulla solida ratio-
ne subnixi affirmant adversarii. Contrariū potest
ostendi, si argumentū ita convertatur: Nullus spi-
ritus est corp^s, Anima est spiritus. E. non est corpus.

E

Major

Major in se clara est. Minore supraprovavit. Ob-
iectur 6. Magnam esse similitudinem inter
homines & cetera animalia, & tantam in
quibusdam animalibus esse solerent, &
contra taliter in quibusdam hominibus tardis-
serem, ut illis multo magis intellectus atq; cogi-
tatio adscribi posse, quam his. Resp. Verbis id
quam re probatulus ericior. Animantes enim
nullam curam gerunt religiosis, quid post mor-
te n sutorum sit, nesciunt, precepta Dei non in-
telligunt, nulla illis inest celeritas mentis, ut uno
momento, quo variis in locis aguntur, colligantur
& praesentes sibi fingant, que omnia & longe
plura hominibus recte tribuantur. Ipsa quoq;
natura videtur dilectionem bruta inter & homines
indicare voluisse, dum homini deinde corporis ere-
ctam, vultum sublimem, et cœlum aspicere, &
sua originis membrisque: contra animalium
corporata terreni adherent, & quæ infra, non cum
superius sunt intuentur, quo magis qui est respi-
cionem, illis nullum esse coguntur. Ium cum ep-
io. 7. Objicitur contra animæ spiritualitatem:
Anima non potest considerare extra corpus, quia
naturæ in corpore de pars corporis est, ut enim,
dicunt, oculus evulsus à corpore nihil sentire va-
dit, ita & anima separata nihil sentire. Reip-
d re, ita & anima pars corporis, sed oius natus
Anima non est pars corporis,

nec
hec oculo competit: videre si: videndi facultas
per se, sed ~~ut~~ ad videlicet propriæ animam, i-
psi vero animæ potentia intelligendi & sentien-
di per se competit. Distinguendum etiam inter
partes integrales & essentiales. Oculus est pars
corporis integralis, anima est pars huiusmihi es-
sentialis. Declarat hoc Laetantius l. 7. Just. div. cap.
12. Anima inquit, non est pars corporis, sed
sed in corpore, sicut id, quod sensé contine-
tur, visus pars non est. Meritorum hoc quoq; addu-
ci verba Ludovici de la Forge, quæ exstant in
libro ejus de Mente humana cap. 7. §. 1. Ubi dicit:
*Haud igitur aliquas operationes mentis obnoxias
esse bona vel mala corporis constitutioni, inter-
rim dura sunt unita, unde aliqui putant, merito
concludi posse, quando amplius unita non sunt, men-
tem amplius non agere nec agere posse.* Virum hac
conscientiam tam primum valida est, ac si quis gregio
alii pectori, quoniam ex pectore oblitatum esse vide-
ret ad præcisum instantem, quicquid in eptis pectori
sive bene sive male intentum pingendo exhiberet, to-
to tempore, quo ambo simul essent, tribuerent omnes
erratos, quos inveniendos hunc ille pectori committie-
ret, aut ad se quis crediret, non proprio Marte mi-
bilis regnum facere posse. Namquam essent separati,
quia viderat, ad aliquid tempus ipsum instantem
ignorantiam suam fuisse. Eodem modo se res habet
suscitante humana, leges uniuscum corpoream

obligant ad imitandum, quantum natura sua ipsi
permittit, constitutionem corporis, cui juncta est,
iis cogitationibus, quae ab eo dependent, nos tamen
propterea concludere non possumus, mentem esse ob-
noxiam infirmitatibus corporis, aut eam amplius
esse non debere, quando semel vinculum eorum
erit ruptum: Nam aliunde scimus perfectissime,
duas esse substantias non tam distinctas, sed
omnino diversas, atque ita unio nos non nisi in ad-
mirationem potentiae & sapientiae ejus, quieas res
tam arcte unit, ut videantur esse unum idemque
praeferim dicere debet.

§. XXI.

Contra argumentum decimum fluens ex
summi boni communicatione, objicitur. Qui
amor conjunctus est cum illimitata obedientia
ad omnia, ille etiam conjunctus est cum animo
parato ad ferendum annihilationem &c; ac
durationem, non vero externe durationis deside-
rio & spe necessario impensa. Atqui amor a-
nimæ pia erga DEum conjunctus est cum ani-
mo parato ad omnia. Nam pia anima con-
junctus est cum animo parato ad ferendum an-
nihilationem &c; ac durationem, non vero cum
externæ durationis desiderio & spe necessario im-
plenda. Resp. Maturus hic status controversiae
Non enim queritur de obedientia Creaturæ,
qualis

qualis illa sit, sed de communicatine summi
boni facta Creaturæ rationali, cui se communica-
re diei non posset, nisi communicatio fieret
convenienter ejus Naturæ. Objicitur secundo:
Quicunq; habet indifferentiam ad utrumq; oppo-
sitorum, is non magis ad conservationem
quam destructionem inclinare dici potest. Atqui
DEus habet indifferentiam ad utrumq; oppo-
sitorum E. DEus non magis ad conservatio-
nam destructionem inclinare dici potest, & per
consequens, incertum est, utrum velit conserva-
re animam, nec ne. Resp. Indifferentia ad oppo-
sita vel sumitur hic pro indifferentia etiam ad
non bonum. Sic negamus, DEum esse indiffe-
rente, cum sit sanctissimus, ipsaq; bonitas, adeo
ut nihil, quod non bonum est, ab illo oriri possit.
Ita DEus non potest animam annihilare, & ex a-
nimæ, quæ bona est, facere non ens, quod fieret
per annihilationem. Vel indifference etiam sumi-
tur pro indifferentia ad sola bona, ita ut unum
bonum tanquam majus & maximum oppona-
tur minori bono. Sic negamus Majorem propo-
sitionem & affirmamus eum, qui habet indif-
ferentiam ad utrumq; oppositorum, i. e. ad bona
minora & majora, magis propensum esse debere
ad conservationem rerum quam destructionem,
ratio est, quia destruere est ex re non rem facere,

con-

conservare autem aliquam rem in suo esse, est
bonum quoddam. Sic solutis objectionibus,
quæ præcipue esse videbantur, vix aliquid solidi
huic doctrinæ poterit opponi, aut amplius nega-
ri, immortalitatem animæ ex naturæ lumine esse
demonstrabilem. Ex hac autem Demonstratione
fructus egregius & commodum maximum
redundat in convertendis illis hominibus, qui
neq; DEum, neq; spiritum sive bonum sive ma-
lum credunt, aut saltem credere nolunt & com-
muni nomine Athei appellantur. Hos convince-
re & à deviis in rectam viam reducere, hæc de
immortalitate animæ doctrina omnium est aptissima.
Si enim firmo stat tali, animam in se esse in
corruptibilem, corpori superstitem, neq; à DEo
per omnipotentiam destruetum aut in nihilum
redactum iri, non poterit non Atheus esse sollici-
tus de loco, quo anima ipsius, postquam ex hac
vita discessit, & a corpore est separata, demigra-
tura sit, quod tecisque legimus tum multos alias
salutis suæ & alterius vitæ dubios, tum imprimis
Imperatorem Hadrianum, qui in hac flebili voce
defecit: Animula, vagula, blandula, hospes, co-
mesq; corporis, quæ nunc abibis in loca. Non
poterit nō esse sollicitus de præmio & poena, quo-
rum alterutrum audit manere animam, prout
vel bene vel male se gesserit hoc in mundo. Non
poterit

poterit non esse sollicitus de autore DEo, qui ha-
bet potestatem vel infligendi poenam affi-
cienti præmio. Inquiret igitur ulterius Atheus in
media, quæ ducere possunt ad istam beatitudi-
nem, in DEum, quomodo sit colendus, ut favor
ejus & gratia obtineatur, ut particeps fiat præmii
& liberetur ab omni poena. Quæ omnia quoni-
am sana ratio non dictitat, ubi se & voluntatem
suam revelaverit divinum Numen, percontabi-
tur. Quod si rite fecerit, nullum est dubium,
quin, mediis cognitis, poenitentiam acturus &
consecuturus sit animæ suæ summam felicitatem.
Nos vero, qui recte h. e. ad usum vitæ philosopha-
mur, decet curâ gerere quam maximâ, ne facul-
tatib⁹ animæ nostræ abutamur. Caveamus igitur
ne intellectu contemplationi rerum terrenarum
tantu impendamus, illis solis studeamus & anio-
re nostro dignas reputemus, quod si fecerimus,
DEus T. O. M. ægre feret hunc sui contemptum,
& tanquam ingratos atq; tanti beneficii oblitos
æternis poenis & cruciatibus nos afficiet & ulci-
scetur. Secedamus potius mente nostra ex hoc
mundo & ascendamus in Cœlum, ut DEus ille
habitat, qui tam egregio intellectu nos beavit,
tantis donis nos instruxit, quiq; dedit vires, illi
cas reddamus considerando ejus magnificen-
tiam

tiari & splendorem. Intueamur ejus clementiam
an^o & prædicemus ejus bonitatem, omnes no-
stras cogitationes in eum defigamus. Ille enim
est summum illud bonum, quo præstantius & ex-
celsius non datur, qui omnium amorem in se tra-
hit. Amemus, quod solum amorem meretur,
quod in amorem nostri sese effudit. Diligamus
illud bonum, quod facile contemtum parit re-
rum caducarum, quia nempe omnia delectabili-
lia amænitate & suavitate longissime superat,
eui omnium simul creaturarum pulchritu-
do inest & Excellentia.

TANTUM.

